

Acta duodecimae synodi provincialis, alsoe van den welgebarnen heren ende graven, grafen WILHELM LUDEWIG stadthoüder, mitsgaders van den E. E. ende seer discreten Gedeputerden h. Staten van die stad Gröningen ende Umblanden vor dese reise ijs utgeschreven worden umme densülven up hüden den 6 Maij deses lopenden jahres 1606 bynnen die vor-meerde stad Grönningen tho houden, so ys desülve uthgeschrevene synodus nu tegenwordich door des Heren gratie ijnt werck gestellett worden, int over-

*staen van die E. E. ROLOFF BATTING ende ERNST
ISSELMUDEN als committerden vant collegio umme
desen synodum mede dirigerende thot einen guden
ende bringen.*

Sessio prima hora 9 antemeridiana.

Is derhalven dese tegenwordiger synodus van D. ARNOLDO MARTINI, ministro ecclesiae Groninganae, ijnt vorledene jahr ende synodo verkörne praeses gewest sijnde, mith dem christlicken gebede begonnen ende de name des H. tot güde successie van desen löffliken synodo met oedtmogigen herten ende iver angeropen etc.

Na desen sint mith gemeinen suffragien der broderen, desen synodo ynt beginsel bijwahnende, vercoren ende eligeret thot praesidem D. JOANNES ACRONIUS, ende thot assessorem verordineret D. JOHANNES NICASIUS, diener des godtlicken wordes thot Middelstum, ende ten lätsten tot scribam synodi verkoren TOBIAS SEUSINGIUS, diener des godtlicken wordes binnen den forteresse Delphesiel.

Neffens desen sint up desern synodo gecompareret ende erschienen desse nhafolgende classen offte gecommitterde uth densulven:

I. classis Gröningana: D. JOHANNES ACRONIUS, minister verbi divini, D. ARNOLDUS MARTINI, minister v. d., WILHELM BARNDA, raetsheer, senior;

II. classis Dammonensis: D. JOANNES SPRENGER, pastor in Dam, D. TOBIAS SEUSINGIUS, p. in Delphesiel, D. THEODORUS KLANCKHAMERUS, p. to Jamswehr, loco senioris;

III. classis Loppersumana: D. EGBERTUS STAEL, prediger to Stedum, D. WULFFGANGUS AGRICOLA, p. toe Loesdörp, D. JOANNES SCHRODERUS, p. thoe Westeremden, loco senioris;

IV. classis Middelstumana: D. JOHANNES NICASIUS, prediger toe Middelstum, D. ALBERTUS WILHELM, p. toe Uthhüsermeden, D. WESSELUS RHODIUS, p. in Cantes, loco senioris;

V. classis Baffoldana: D. ANDREAS STRAETMAN, pastor in Saxonhusen, D. HERMANNUS à BESTEN, p. in Werffhuisen, E. juncker ALLERT GALJKEMA, loco senioris;

VI. classis van Awertt: D. ROBERTUS WIPPINGIUS, prediger tho Süet-horm, D. ALBERTUS LOMELIUS, p. toe Groet Awert, D. HERMANNUS THEOPHILUS, p. ijn Hoech ende Leechkercke, loco senioris.

Insgelicken ijs van desen classen allen die credentzbreven vörtönet, diewecke alle vör güdt sin gekent ende gerespectirett worden, ende sunderling hen allen sessio gegunnet.

Darup ijs gecompareret uth Nordthollandt D. PETRUS CORNELII, diener

des godtlicken wordes binnen Enckhuisen, exhiberende sin behoerlick credentiebrevē, warijp hem ock behoirliche sessie gegunnet worden thot vörsekeringe ende underholdinge van guder correspondentie.

Eintlick sint mith gemeinen stemmen des synodi verordineret worden D. WULFGANGUS AGRICOLA, prediger vann Loosdorp, ende HERMANNUS THEOPHILUS, prediger toe Höch ende Leechkerck, umme die gravamina classicaia ijn ein corpus integrum te redigeren, darmede den tidt te gewinnen end ock thot andere salutaria te treden.

Hirüp sint die acta synodalia praecedentis anni et synodi met gemeinen advis ende stemmen der samptlichen broderen resumendo vörgelesen worden, alss folget.

1. Belangende den 2 articul des vorledenen synodi, toe weten offtter vortsahn politique personen, wel tot desen ende andern sijnoden gecommitteret sinde, nochdans gene membra ecclesiae, ock geene credentzbriefe vörtoenende, sullen ijn den synodum tot sessie tögelaten worden, so approbiret synodus noch densulven ijn sodahne kracht te sthaen, alse geresolviret, welvorsthaende dat vor dese reise solcks noch stillschwigent sall vorbijgepasseret worden, ende nochtans darüjp die deputati synodi sollen gehalten sin, dat dese articul thokumstig vulkamelick mag underhouden werden.

2. Van den 3 der sijnodalen acten anni 1605 angaende die Wedderdoperen is geresolviret uthstall to nehmen, thotdat die gravamina gecolligeret, warinne dan behoerlick sall gedahn worden.

3. Up den articull van den praeposituren wert beschloten, dat synodus so nae als vörn ijn dith stücke sall klachtig bliven, met vorklaringe dat vortsan solckes iveriger bij het collegium ende op den landssdach gedreven worde van dien personen, uth denn classen darthoe genomineret sinde, mit gelicker belastinge dat sie niet allenich die gravamina ofte abuisen van praeposituren in harer classe met allen flithe ende neersticheit sullen colligeren, mär ock dieselve gecolligerde abuisen schrifttelick op toekomen den landssdach te remonstriren. Belangende dan die kosten van dien sin dieselve sijnodael. Hiertoē sin uth elcken classe genomineret ende genochsam geauthoriseret met judicio ende suffragiis deses christlichen synodi: D. JOACHIMUS WARNERUS, m. uth dem classe van Gröningen, D. JOHANNES SPRENGERTS uth dem cl. van Dam, D. WULFGANGUS AGRICOLA uth dem c. Loppersum, D. WESSELUS RHODIUS uth dem class. Middelstum, D. ANDREAS STRATEMAN uth het c. Enckrüm, D. ALBERTUS LOMEYERUS uth idt clas. Groet Awertt, D. WIGBOLDUS HOMERUS uth den classe Oldeampt.

Sessio secunda pomeridiana hora secunda.

Nae gedanen gebede ijs van desen nafolgenden articulis des vörledenen synodi getracteret worden.

4. Angaende den 5 artic. van die correspondentie der prediger van der landtschop Drente, darup belastet synodus den deputatis synodi, dat sie hen sullen bij S. G. addresseren, oedtmodigen vörsokende dat S. G. geleve te schriuen ahn die landtschop van Drenthe, dat hare predigers ende classen mögen vöreiniget sinde end bliven, alss tevoren gewest.

5. Belangende den 7 artikel van die visitatioen classicael, door die deputatos synodi geschehn, findet synodus vör raetsam, dat wol die visitationes classium ijn sin in esse bliven stülen, noehdans thot vörmidung grother kosten süllen dieselve jaerlicx niet praecise, maer nha gelegenheit van tidt ende saeke gedahn worden.

6. Die 8 articull van de mödtwillige continuatie des schoelmeisters toe Weijwert, genömet ALBERTUS MATTHAEI, noch ijn sin dienst tegens classicaele ende synodale resolution aldar thot leetwesen veler guder herten residerende, sin dese drie brodere, alss dominus JOANNES ACRONIUS, dominus ALBERTUS WILHELMI ende dominus ROBERTUS WIPPINGIUS gecommitteret umme thot denn edelen jüncker RIPPERDA TOE FARMSUM, hoveling, sich toe verfögen, hem noch ter conclusie versoeckende, dat hie den koster van Weijwart niet langer wil handthaven, maer densulven nha inholdt veler resolutionen so classicael als synodael will affschaffen.

7. Up den 9 articul van die karmisse van Wijttwert resolviret synodus, dat die gedeputerden des synodi sullen gehouden sin hen te addresseren bij den h. Gedeputerden Staten vant collegio, begerende dat hen gelieve solckes mede ijn een artikel te verfaten, ock ijn die propositie up den landach te insinueren, dat dese karmisse ten minsten up enen andern dach möge vorleecht worden.

8. Die 11 articul also doen die grote abusen, dieweelcke dickwils so under hillegen, fest offte bededagen ijn drunckenschop, spelen ende andern lichtferdigen dingen bedreven worden, achtet synodus alsoch vör raetsäm, dat men sich referire up den articul van praeposituer.

9. Van den 12 articul, belangende het najahr der wedewen van de vörstorvene predigers, ijs ijn dessem synodo gedecreteret, dat die predigern ijn den Omblanden desen articul staen lathen, gelick alss hie geschloten. Maer die predigers uth den Oldenampt mögen haer annum gratiae particulariter bij den magistraet van deser stadt Groningen versöken.

10. In den 14 artikel thoweten van EVERHARDO ARNOLDI, predigern tho Hoorhusen, also tot het predigampt inhabel sinde, is met einhelliger stem beschloten, dat die classis vann Bafflo den vorgeschr. EVERHARDO sall andienen flitich te studieren ende hem tegens den sommer te praepariren umme de novo geexamineret te worden, ende ijdien hie EVERHARDUS ijn densulven examine niet behörlick sal responderen, van sin officio te removeren.

11. Die 25 articul van den pastor te Oterdum belangende die kercke aldaer, darup resolviret synodus, dat deputati synodi dese sake gerecommendiret holdende mede up den landach driven sullen.

Sessio 3 septimo Maij hora 7 antemeridiana.

Sint die christlicken gebeden door D. ACRONIUM praesidem gedaen, ock die nomina classium affgelesen, wärop volgens dith gehandelt worden.

Int erste hebben dominus ACRONIUS, D. ALBERTUS WILHELMI ende D. ROBERTUS WIPPINGIUS, also gecommitterden ijn die saeke van den schoelmeister tho Weijwert, blikende bij den 6 articul deser vörhergaende synodale resolution, raportieret ende ijngebracht hetgeene, wat sie nomine sijnode bij den edelen jüncker RIPPERDA versöcht hebben, warup synodus aldus resolviret.

Ten ersten, oft wol ijn enigen vorledenen synoden dem carspel Medthuisen, dessen nödich sijnde ock selven thot diverse tiden begeret hebbende, ein eigene prediger thogeeigenet, vann denwelcken sie mochten behoerlick bedienet worden, so hefft nochtans dese christlike synodus op dithmael vör raetsam gefonden, dat HINDO LAMBERTI, prediger toe Farmsum, die gemeente van Meedthusen bij provisie sall bedienen van dith jahr, waerinne synodus sonderling angesien hefft niet alleine die gude vörschriften, so van het carspel Farmsum also ock ene vocationsbrieff van het carspel Medthuisen selven, frundelick begerende den voorschr. HIDDONEM tot einen bediener des godtlicken wördes ijn haren carspel te hebben, maer ock principalick thot dien fine geschehen, dat ter güde frede ende einicheit ijn die kereke Christi underhouden worde, mitz dat die pastor van die pastorienlanden sovele sall lathen, dat darvan ein bequamer schoelmeister kan underhouden worden, darnha sie erstesdages sullen trachten.

Ten tweden vorklaren die vorsch. gecommitterde fratres, dat hem die E. jüncker RIPPERDA ijnt stück van die affschaffinge des schoelmeisters van Weijwert seer discretelick ende bescheidentlick vörtönet, wel geneiget sinde die synodale resolution over den vorgeschr. schoelmeister in executie te stellen ende aff te setten, allene hefft die edele jüncker vorklaret, dat die pastor toe Weijwart meer censurabel ende vörwerpelick, ock der

gemeente unangenehmer soude sin also die schoelmeister, darup die synodus behoerlick sall letten.

Tert latesten overmitz ock die vorsch. drie broders den hovelinck RUPPERDA ahngespraken ende nomine synodi seer frundelicken vörsocht hebben van wegen der unbehoerlickenden ende unchristlickenden bedeninge der diaconen offte armen te Farmsum, darup vörklaren vorts die fratres, dat die vorgesch. juncker RIPPERDA sick praesenteret christelick ende behörlick darinne te dohn willen ende nae sin auctoriteit te vorsien, also dese jegenwordige synodus sülckes schriftelick ahn hem begehren sall, waertoe synodus promitteret sin devoir te praesteren.

Hirup sint die gecolligerde nije gravamina classium, so generalia als specialia, vor die handt genamen worden, warvan deze nhafolgende gehandelt.

Van den generalibus classium gravaminibus.

1 Artic. — Wert vorgestellet eine gemeine klachte aller classium, dat tegens het accört der reductie der stadt allerhand secterien thot behinderinge der stichtinge van die kereke Christi gepassieret ende ijn dese provincie noch togelaten worden. Darup resolviret synodus ende belastiget den gecommitterden deses synodi, diewelcke die sake van die praeposituer up den landtdach sullen handelen, darvan boven articulo 3, dat sie van hare sortirende broders einige puncten van abusen der Mennonijsterie ende anderen secterien gelick ock alle unordere ijn ehesaken, sabbathsenthilgingen ende anderen sullen schriftelick afforderen ende dan dieselven abuisen mede up den landtdach remonstreren, biddende dat up dith stuck gantz iverich ende neerstich gelettet, ock darinnen thot eintlicke affweringe veler inconvenienten geremedieret worde.

2 Art. grav. — Datter noch vele vacirende plaetsen so ijnt Westergwartier also anders unbesettet bliven, sonderling Noorthorm, Grijskercke ende noch 5 kercken ijn Vreewolde, darop ijs van die samptlicke broders deses synodi geconcludiret, dat sick die delegati synodi sullen vorfögen thot die heren Gedeputerden vant collegie, bij dieselven vörsökende die collatoren van Grijskercke, Sebaldebüiren ende Oldekercke dör ein generale mandaet te vörschripen umme mith hen te vorhandelen die begünnene sake van desen, ende darup nha befindinge dersulven voorts hetsij per modum inductionis offte sonsten te disponiren. Ende diewile die collatoren niet alle praesent zinde up die vorsch. plaetsen, sollen hare meijers gehalten sin van dith stücke hare landtheren te advertiren ende andienen.

Belangende den Nordthorm so beloven die heren gecommitterden vant collegio, dat sie upt vorsoeck der deputaten synodi ijnsgelicken door mandaten darinne vorsien wollen.

Noch sullen die collatoren van die kercke van Esingen frundelick vör-söcht worden nomine synodi, dat hem gelieve den tidt van 6 weken te beropen einen framen ende godtsaligen prediger, diewelcker die gemeente van het carspel Esingen met aller getrouwicheit ende diligentie solde konen bedienen. Bij fauten van dien sall synodus darinne doehn nha behören.

Noch findet synodus vör raetsam, dat Ferwert ende Franzum provisionaliter sullen combineret worden, waervan die classis sall andienen den collatoren umme ijn dieselve vacierende plaetze einen diener tho beropen.

Insgelicken sullenn die delegati synodi noch forder bij den heren Staten anholden van wegen der vicarien to Loppersum umme dieselve ad pios usus te transferiren.

Ock sullen die delegati synodi tegelick informatie nehmen van die vicarie van Spiecke.

Ock mede geresolviret ijs, dat Nijelandt ende Oldensiel, in de classe Middelstum gelegen, sullen combineret bliven, als tevoren gewest ijs.

Sessio quarta pomeridiana ejusdem diei.

Sint die behoerlicke preces geschien door den praesidem hujus synodi ende die nomina der classen affgelesen, doch die deputati classis Baffoltanae absentiren hen in hac sessione ex venia sijnodei.

Darup in lectione gravaminum generalium pergeret worden.

3 et 4 Art. — Tho wethen van die eheordeninge ende irregulariteten des gemeinen volckes up den Sondagen ende andern hilligendagen sall mede yn den articul der praeposituer uthgestellet worden.

5 Artic. — Van die provinciale stipendien vor die kinderen der predigern deser provincie befehlet synodus der tidt.

6 Artic. — Van het najaer der wedewen der vörstorvenen predigern deser provincie ijs hirbaven vörklaret.

7 Artic. — Oftt ein prediger sall mögen ungedöpede personen copuleren, darup ijs des synodi wel sin express decretum, datter gehne ungedöpede personen mögen ende sullen kerecklich copuleret worden.

8 Artic. — Oftt het behörliken sij, dat deputati synodi up haren eigen buidel sullen ende mögen ijn haren commissien trecken ende teeren, darup ijs des synodi resolutie, datt ein jeder classis sine synodale kosten affgereckent hebbende, sall dan met den deputatis synodi ock affrekenen die kosten, diewelcke sie ijnt vorledene jahr gedaen hebben, ende ein jeder classis sin quota up hen nehmende bij die synodale kosten leggen.

9 *Art.* — Van die heidensche irregulariteten, alse van den vastelavent, Meijenavent etc. sall mede ijn den articul vann die praepositur bovenverhalet sinde referiret worden.

10 *Art.* — Van die lickpredigten, so up papistissche wise aver die vörstörvenen, die ijn die kercke gedragen werden, geschien, ijs affgedaen, warumme nochtans die prediger van Leens HERMANNUS BUNICENUS, under den classen van Bafflo sortierende, sal van dem classe censureret worden per poenam suspensionis, soferne hie nit darvan wil affsthaen.

11 *Artic.* — Oft ein prediger den kinderen van Wedderdoperen sal mögen weigeren die bedening der proclamatie ende copulatie, hirvan sal hirnha ein sonderlicher* artikkel gestellet worden.

wedewen ende weseken uer preuigern, wert soickes uen classe inygesteit omme darinne te dohnde, alse hen mögelicken sin sall.

Volgen die resolutien up die specialia gravamina.

1 *Art.* — Belangende den 1 artikkel van den söne der wedewen tho Fermsum omme hen ijnt fraterhuis te vörforderen, hirüp vorklaret synodus, dat vör dese reise darinnen niet kan gedahn worden.

2 *Art.* — Den 2 artikkel ahngaende het augment des stipendii van ADOLPHO REGNERI, predigern to Beem, wert den deputatis synodi mitsdesen belastiget hen nochmaels bij den h. Gedeputerden Staten vant collegie te adresseren end vörsöken, dat de vorgesch. ADOLPH. REGNERI ein ehrlich underholt uth den twen vicarien terselven platze bekamen möge.

3 *Artic.* — Versocht ALBERTUS WILHELMI, prediger ijn Uthusermeden, van dem synodo assistentie, dat hie der vicarie aldaer möge mechtig werden die upkumsten te genieten, dewile hie den dienst, so darup falt, vorrichtet. Darup ys dominus ARNOLDUS MARTINI ende ALBERTUS LOMEYERUS gecommitteret ahn den jüncker JOHAN SICKINGA, nu ter tidt ijn der stadt sinde, te gaen umme hen ¹⁾ te versoecken van wegen der vicarie, sonderling dat dieselve möge den vorgesch. pastor ALBERTO thogesthaen worden, overmitz die pastör den dienst der kercken, die alternatim up die kercke falt, bedienet, ock enen soen van 18 jahren ten studie mith groten kosten holdt. Soferne de vörsch. pastor bij den vorgeschr. jünckeren niet kan gefordert worden, sall hie hem met den deputatis synodi an het collegio adresseren bij hen die sake ijverich te driven.

1) „hen” YY heeft „hem”.
Acta syn. provinc. VII.

Sessio quinta antemeridiana 8 Majj hora 9 finita concione
deputati Hollandici.

Die christlicken gebeden sint gedahn, nha denwelcken foertsahn aldus gehandelt worden.

4 *Artic.* — Hefft versöcht JOHANNES FELTONIS, prediger ten Buer, dat die frouwe, ijnt provinciehuis aldaer nu ter tidt residerende, mochte daruth gestellet worden, overmits dieselve fruwe eine vörsamlinge der Wedderdoperen ahnsetlet, waerdoer dat gehör des godtlichen wordes belettet wort. Hirop ijs bij den synodo vor gudt gefunden worden, dat hie by den heren gecommitterden van die closteren dor den deputatis synodi wil anholden umme dieselve frouwe uth heth provinciehuis dön te vortrecken.

5 *Art.* — Där wert vörgestellet, dat THEODORUS SCHEPPERUS, prediger toe Ranum, nu een olde bedagede person sij, waerdoer hie met der tidt gantz unbequaem worden sall lenger dem hilligen predigeamt vör to sthaen. Is synodus door sonderlinge medelijden moveret worden ijn des vorgesch. pastors saeke aldus te resolviren:

Ten ersten in specie, dat die delegati synodi hen sullen begeven thot den Gedeputerden vant collegie ende sie vörmögen umme den commender van Wittwert te vörsoecken, dat hie den pastor THEODORUM met sin fruwe ijn het closter ende convent nehme, hen den tidt sines levendes te underhouden van wegen siner gedaenten diensten ende swackheit sines lichaems.

Ende ten tweden in genere, dat die heren Gedeputerden vant collegie den vorgesch. predicanten mith sodanigen beneficio, alss genomineret, vörsiende hebben, dat carspel Ranum wedderum met einen anderen prediger vorsien willen.

Vörts belangende die combinatie van Enerum ende Menskeweer laet synodus vör dese reise, doch bij provisie vor ein jahr lang noch yn sin esse.

Noch ijs den deputatis synodi uperlecht, dat sie bij den heren der provincie vörsoecken hen te geliven einsen die combinatien der pastorien deser provincie voor die handt te nehmen, omme fortsahn die verordneren, dat die plaetzen, welke einen prediger underhouden können, behoirlicken met bedieners des godtlicken wordes vörsien worden.

Item hefft dominus ACRONIUS nomine synodi angenhamen met den vüllmachten ende kerckvogeden van Woldendorp bij den erbaren magistraet van deser stadt Grönigen in meliori forma te handelen, dat het carspel Woldendorp wederum gelick alse tevören meth einen gequalifi-

cerden prediger vörsien werde, darmede sie nit langer ijnt wilde sonder troest van Gades hillige wordt leven mögen.

Ock süllen die deputati synodi thot erster gelegener tidt thoe den juncker ONNO TAMMINGA friendtlick ahnsprecken, wat het doch vor eine gelegenheit hebbe mith den kerckenlanden ende guderen thoe Bellingeweer, updat nha diligente vörförschinge van dien darinne möge gedaehn worden, twelcke sie darnha ant collegie süllen brengen.

Sessio sexta pomeridiana hora secunda.

Initio facto a precibus sequentia haec sunt tractata.

6 *Articulus gravam.* — Die staedt van die kereke van Godelens ijs dem sijnode vörgestellet worden, to wethen hoe dieselve pastor terselven kercken, ADRIANUS SIBRANDI, nha verlöp der tidt algeheel unbequaem wort langer ten rechten ende met stichtinge den kerckendienst te bedienen. Waerop die ehrenfeste secretarius KEMPO ADRIANI, sinde die soone van den vörschr. pastör ADRIANI SIBR., door frundelick versoeck des synodi ijn dese synodale vörgaderinge vörschenen, sick christlick vorklarende, dat des synodi meininge gudt ende up reden stunde, tho weten dat die gemeine toe Gadelens einen pastoren mochte hebben, ende bekende dat sin vader olderdohmes ende swackheit halven numehr nit lenger dienen konne, dat hie derhalven wel thofreden was, dat desülve mith die vicarie effte sonst mith ein underholdt thot sin leven lanck underhouden worde. Dewile nochtans van wegen der vorschr. vicarie die beiden jüffers, die dochters van jüncker MANEEL 1) noch swaricheit därvan vörstellen, sick vendicerende het jus der collation, sonderlinge noch enige communicatie onder malckander därvan houden willen ende dan wedderum christelicken bescheit te geven, so hefftt synodus dese sake tho last geleit ende dartoe gecommitteret D. JOHANNEM SPRENGERUM, D. ROBERTUM WIPINGIUM ende D. ALBERTUM WILHELMI omme dese swaricheit bij die juffers aff to leggen, sie ten rechten van die gelegenheit ende toestaet der vicarien te inducieren, ende vorts weder ijn to brengen ende raport te doehn.

De rapoert ijs, dat die jufferen sick under malckander van dese vorgevinge der vicarien ahn den oldenn pastor ADRIANUM willen ten besten bespreken, welcke sake die deputati synodi voertsan süllen uthfören.

7 *Art.* — Diewiele dem synodo klachtig vorgebracht worden die dagelichsche drunckenschop ALBERTI HAMMONII, predigers tho Berum, ock solck vitium ten deel mith getuchenissen wertt bevestiget, ten deel notorium ijs, so belastiget metsdesen de synodus den classem, dat sie

1) „Maneel” YY heeft „Manniel”.

hen ALBERTUM sullen suspendieren van officio ten tidt van sös weken, thotdat hie beterschop ende beroüw van dith feit vertöne. Darmede noch-tans den dienst tusschendien nit ledig sthaen blive, sall solckes door die classicale fratres bestuerett worden. Belangende die upkumsten, so tus-schen den suspens de vorsch. ALBERTUS hefft tö genethen, sall tho der armen besten gedestineret worden. Wanneer dan nha experierten suspens ALBERTUS HAMMONIUS van den classe wedderum vör gudt end boetferdig sal gekent ende angenhamen worden, sall hem classis togelick mede vörmahnen. Sofern he sich wedderom ten minsten ijn drunckenschop vörlöpt, sall hie de facto van officio removirt worden.

Sessio septima antemeridiana circa horam 7 nono die Majj.

Precibus effusis is die sake van JOHANNE ARTHOPÆO, praedigern to Wei-wart, thot desen synodo geciteret sinde, vor die handt genhamen worden.

8 Art. — Die pastor van Weijwert JOHANNES ARTHOPÆUS van den synodo vorschreven sinde, is obedienter compariret, worup hem synodus vorgestellet, hoe hie die pastor seer grotelick van drunckenschop ende irregulariteiten beschuldiget worde, so ijn sin eegen caspel alse anders-wor bedreven sinde, waerdoor sine christlicke gemeente ende andere güde frame herten mercklicken offenderet worden. Maer die pastor ten deel sine swackheit confiterende, ten deel sine onschuldts excusierende, findet synodus sonderlick raetsam te sin, dat hirtho D. WULFGANGUS AGRICOLA uth dem classe Loppersum ende ALBERTUS WILHELM uth dem classe Middelstum, ende vorts uth den classe Dam, waronder die vorsch. pastor ijs sortirende, ock twe predigers alse THEODORUS KLINCKHAMERUS ende LUCAS WIDEMARUS sullen gecommitteret worden, diewelcke ten ersten sick süllen transportiren nha Weijwert omme aldaer flitige ende scharpe inquisitie ofte informatie van elcken ijngesethenen particulariter te nehmen ijn sake van drunckenschop ende andern irregulariteten des vörgeschre-venen pastoris etc.

Vorts ten tweden, dewile die edele juncker JOCHIM RIPPERDA grote doliantie over den vorsch. pastor geleitet, wert ock tegelick den vorsch. deputatis belastiget hen, nae sodanige informatie te Weijwart genhamen hebbende, bij den edl. juncker te addresseren umme mith hem dese nhafolgende stucken nomine synodi te verhandelen.

Voorerst dat den E. E. jüncker RIPPERDA gelieve nha sinen belofften die synodale resolutien over den schoelmeister te Weijwert nae die regel end canone van die christelick apostolische kereke met eindrechtelicken stemmen, so ijn anderen vörledenen alse ijn desen tegenwordigen synodo geschloten sinde, te exequiren, darmede die gemeente aldaer te Weijwartt wedderomme met einen beteren schoelmeister mochte vorsien worden.

Ten andern den edelen juncker te vorsoecken te remedieren die sake van die onchristlicke bedieninge der diaconen te Fermsum, sonderling die olden bedieners van dien (overmitz sonderlinge schwaricheit ende quëstie under hen vorfallet) nha die ordening der christelicken kercken aff to schaffen, die armen mit nijen ende bequämeren offte getruweren vogeden versien lathen.

Entlich ende ten latesten hebben die vorsch. 4 delegaten last ende commissie van dem synodo, dat sie under malckander nha gedaner sake ijn den frese des Heren sullen communiceren ende mith den edlen juncker bespreken, wat fortsahn ijn die sake ARTHOPAEI tho Weijwart van den classe kan gedaen worden, strecken sinde thot Gades ehre, thot upbuwing van sin hillige kercke, thot affkeringe van alle ergernisse, so uth des vorsch. pastoris asotie ende irregulariteiten mögen geresen ende genhamen sin.

Sessio octava pomeridiana hora secunda.

Sint van dem praeside die christlicke gebeden geschien, ende dese nhafolgende dinge vörhandelt worden.

9 *Artie.* — Alsoe DANIEL THOMAE, pastor ijn die Ripe, niet allenich door langduirenden gerüchten, dan ock door löffwerdige wettelicke synodale ende classicale informatie mit seer groven lasteren van overspel ende andern sünden daerto streckende in siner gemeente bij vörnemen ende godtsaligen luiden ijs beschuldiget, ende dahero die christlicke religie ijm gantzen lande gehoenspraket, ende die framen nhae lange tidt genöchsam geargert sin, so hefft sijnodus deser provincie der stadt Groningen ende Omblanden nielt mogen unneghaen desen argerlicken unheill einmael vör tho buwen. Resolviren demnhae, dat gemelter DANIEL THOMAE van nu an sall van sinen kerckendienst sampt der pastorienupkomsten ijn die Ripe mitsdesen uth synodale ende kercklicke auctoriteit gesuspendiret sin, dergestaldt datter enige deputati deses synodi alsoe D. JOHANNES NICASIVS ende D. JOHANNES SPRENGERVS ijnnerhalff soes weken sine saecke ijn ende meth dem classe Loppersümana, darunder hie ijs sorterende, gentzlick ter ehren Gades ende upbuwing der kercken Christi affhandelen mögen. Aldus gedaen ijn desen tegenwordigen synodo provinciali van Stadt end Umlanden den 9 Maj 1606.

Vorts als die synodus sin devoir gedaen umme ahn den edelen jüncker JOCHIM RIPPERDA te schriuen van wegen der irregulariteiten der diaconen te Fermsum, so ijs dese nhafolgende missive an hem geschreven worden:

Edeler, gestrenger, ehrenfester, grötgunstiger juncker. Alsoe ijn itzigen synodo under andern kercklichen swaricheiten ock ijngebracht, dat te Fermsum beth anhero etzliche irregülare diaconen ijn den armendienste thot ijndracht dersulven ende argernissen der christlichen gemeente sullen

gestaen hebben, waerin ene voranderinge ende beteringe te macken allersits nüdich ende gebörlich, hefft demnhae ermelte synodus ex officio niet umghaen sullen ahn U. E. E. also wettelicke overheit desselven ordes sodane clage ende irregulariteit (die het schinet, dat sie bij der gemeente niet wert gecorrigeret) dienst¹⁾ ende frundelick gelangen te lathen, gantz flitich begerende U. E. E. desen christlicken synodo upgefateder thovorsicht hoe ock der kercken heil²⁾ wilfaren willen ende eintlick einmael die verseninge³⁾ doen, dat dese irreguläre diaconen te Ferssum van harem ampte affgesettet, ende andere bequamere personen an hare plaetsen nha christliker ordening bestellet worden. Solxs dohnde werden U. E. E. den plicht einer christlichen hogen avericheit verfullen, ende ijs die synodus der gantzlichen vörwaching, dat U. E. dem einhelligen begehren des ministerii deser gantzen landtschop, hier yn synodo gepraesenteret, gunstige verwilliginge leisten werden, twelckes ijn alle geboer wi tho vorschulden geneiget. Aldus gedaen ijn dem synodo provinciali der stadt Gröningen und Omlanden, ende uth dessulven laste te oorkunde underteickent den 9 Majj anno 1606.

JOHANNES ACRONIUS, syno. praeses.

TOBIAS SEUSINGIUS Franc. diener des gödtlichen wordes, synodi scriba.

Sessio nona hora 9 antemeridiana diei 10 Majj.

10 Art. — Wort dem classe van Loppersum ter last geleitt, dat sie sullen IESREELEM VINCKELIUM, predigern toe Loppersum, ende HENRICUM JOHANNIS, pastoren tho Woltersum, censureren van wegen harer drunc-kenschop ende anderen graven delicten, ende hen upstellen die poena van suspensie hares dienstes ten ersten mael, alss sie met solcken excessen sullen befunden worden wedderumme sick verlopen te hebben. Hirtoe sint ock mede gecommitteret D. NICASIUS end D. SPRENGERUS.

Daer⁴⁾ hefft ock HENRICUS STROMBERGIUS dem synodo vörehret ein Carmen de quadripartito anno etc., warup die synodus die classen frundtlick vörsoket, dat elcke classis hem wedderum honorarii loco eenen daler sall uth guder affectie geven etc.

Thor conclusie sint met gemeinen stemmen der vergaderten broders up desen synodo alle dese synodale resolutien resumeret ende gerevideret worden, dewelcke den ock die synodus nochmals approberet und confirmeret.

1) „dienst“ YY hefft daarachter het afbrekingsteeken, zoodat dit dus aangevuld kan worden tot „dienstelick“.

2) „heil“ ontbr. in YY.

3) „verseninge“ YY heeft „vörzieninge“.

4) „daer“ YY heeft „dahrna“.

Sonderling sint die deputati synodi hujus vörmanet worden sick van dage nha hüs te verfügen umme morgendes dages den kerckendienst te bestuiren. Et sic cum pace hanc synodum pro hac vice et septimana geendiget, mits nohdans dat die delegati synodi uth elcker classen sullen geholden sin sick up den ahnkomenden Maendach, sinde die 12 hujus, wedderum tegens 2 uhre naemiddage alhir te transporteren umme desen christlicken synodo thot den einde bij tho wanen, waertho dan ock die classis uth het Oldeampt (diewelke sick ijn die vörledene weke alss nit toe rechter tidt thot desen synodo vorschreven sinde geabsenteret) so van dem synodo alse van den magistraet der stadt Gröningen nochmals citeret worden.

Finis.

Alsoe die vorledene weke die synodus niet geendigett, ende öck enige schware poincten niet hebben können ge-decideret worden, wienshalven oick die delegati synodi up het nije gecompariret ende bijeengekamen, sint folgents dese stücken vör die handt genhamen worden.

Sessio prima hora septima antemeridiana 13 Majj.

Fusis ad Deum precibus recitata sunt nomina omnium deputatorum classium.

1. Die synodus nimpt vor dese reijse den classen van het Oldeamptt offte dersulven delegaten entschuldiget, ter cause dat dar sonderlinge swaricheit ende impediment bij densulven deputatis classis vorgefallen, wienshalven dieselven noedtgedrungen worden hen te absenteren, oft sie wel van dem synodo vorschreven. Derohalven synodus den werdigen und wolgelerden JOHANNEM LOLLINGIUM, predigern te Nörtbroick, der classen excüss vorstellende thot een membrum synodi ahngenhamen, sessionem ijn desen synodo vergonnende omme noch den restierenden schwaren poincten ten einde deses sijnodi bij te wahnenn, ende dith op een schriftt, van etlicke predigers ijn dem Oldennampte undertieckenet.

Sessio secunda hora 2 vespertina ejusdem diei.

2. Den deputatis synodi wert mitsdesen wederom ter laste gelegt, dat sie hen sullen addresseren bij den h. vant collegio, vörsökende dat hen gelieve ther executie te stellen die synodale resolutien, diewelcke over den pape van Eelten, nu ter tidt ijn den Dam wanende, ende over die töversche van Koldeham beschloten sinn.

3. Alsoe ock ijn dem synodo vorgelesen sint enige schriftten ende acten van enen synodo generali ijn desen provincien te holden, ende

befünden, dat die E. Vormögende heren Staten Generael ijn die acten der uthschrijvinge sodahnes synodi dese restrictie gestellet hebben, dat up gemelten synodo generali die Nederlantsche Confessie ende Catechismus sullen gerevidiret, ende dat die gravamina aller kercken vorerst ahn die wolgemelte h. Staten Generael sullen behandiget worden, so resolveret hirop die synodus, dat vele wichtige orsaken sint, worumme sie nit guettachten kan einen synodum nationalem met sodanige restrictie an tho nehmen, (dewile up solcken synodo van der christlicken lehre deser kercken vörnemlich solde gehandelt worden) welcke orsaken den predigern, so deses synodi nationalis halven van den E. Vormögenden h. Staten Generael süllen vorschreven worden, te remonstriren behandiget sullen worden, ende dat dieselvigen darumme bij wolgemelte h. Staten Generael omme eine pure acte der uthschrijvinge des generalen synodi anholden sullen, dat ock dese synodus die oversendinge der gravaminum aller kercken ahn die E. heren Staten Generäl nit allerdinges kereklich achtet te wesen. Welcke resolutie met enige reden bekledet D. JOHANNES ACRONIUS, praeses hujus synodi, ahn dat ministerium thot Amsterdam erstesdages sall overschreven.

4. Thot den Süethollandisschen synodum deses jahres sint te trecken gedeputeret D. BERNHARDUS THEODORICI, prediger binnen Gronningen, ende darthoe D. JOHANNES NICASIUS, prediger des hilligen godtlicken wordes tho Middelsum.

Sessio tertia hora 7 antemeridiana 14 Majj.

5. Tegenwordige sijnodus wil THEODORUM KLINCKHAMERUM, predigern to Jamschweer, recommenderen bij den Gedeputerd. hern Staten deser provincien, dat hen den hern Staten gelieve ahnn den edelen juncker BALTHAZER RIPPERDA te versoecken ende frundtlick te begehren den vorgesch. prediger met die vicarien te Jamschweer tho versien, ende dith van wegen des vörgesch. predigers bekommerlicke underholdinge.

6. Dewile oick verscheidene predigers uth andere classen thot sekere classen te gaen ijn desen synodo gedeputeret sin omme aldaer informatie te nehmen ende met densulven classen te handelen van wegen eniger personen, hier naemhafftig gemaket, ende wat desgelikes mehr tot güder ordening bij den predigern strecken mochte, so resolviret die synodus, dat dese ordening sall generael sin, te weten dat over alle classen uth twe nabuerclassen glick een prediger süllen gedeputeret sin omme, daer ijdt ijn enigen classen nödich, informatie aver die schwevende gebreken te nehmen ende met den classe geboerlicken te corrigieren.

1. Aver den classen van Middelsum sin gestellet: D. HENRICUS HOU-

BINGIUS uth dem classe Loppersum, ende D. ANDREAS STRATEMANNUS uth dem classe van Baffelt edder Enerum.

2. Over den classsem van Adwertt sin gestellet: D. HERMANNUS STECHMAN uth dem classe van Gröningen, D. DOMINICUS TJALLINGIUS uth den clas. van Baffelt.

3. Over den classsem van Gröningen: D. ALBERTUS WILHELMI uth dem classe Middelstum, ende D. ALBERTUS LOMELERUS uth het class. Awertt.

4. Over den classsem vant Oldeampt sin gestellet: D. BERNHARDUS THEODORICI uth Groningen, ende D. TOBIAS SEUSINGIUS uth den clas. van Dam.

5. Over den classsem van Baffelt: D. JOHANNES NICASIUS uth den classe Middelstum, ende D. ROBERTUS WIPPINGIUS uth het clas. Awertt.

6. Over den classsem van Loppersum: D. JOHANNES SPRENGERUS uth het classe Dam, ende D. JOHANNES NICASIUS uth den clas. Middelstum.

7. Over den classsem van Dam sin gestellet: D. WULFGANGUS AGRICOLA uth het clas. Loppersum, ende D. ALBERTUS WILHELMI uth den classe Middelsum.

7. Alsoe ock ANDREAS ALLART, pastor toe Enerum, klagende over eine sententie des classis te Baffloe, daerinne hie van sinen dienst affgesettet, ahn den synodum geappelliret ende itzo sine klacht vorgebracht hefft, daerop die classis ock geantwordet, sint demnha beijdersits schrifften, acten ende documenten van dessem christlickem synodo angenhamen, gevisiteret ende wijttlufftig ultro citroque gehöret. So hefft de classis van Baffloe hare sententie up enige rechtlick beschwarene position (die een schoemaker, KRIJNE LOLES genoemet, tegens ANDREAM ALLART ijngebracht hedde, darvan noch itzo de despüt vor den erbaren reddiger ASSWERO SANT hanget) gefunderet te hebbenn sick vorklaret. Darup die synodus nae ripe deliberatie dese sake einhellig also angesien hefft, dat se up sodahne position sick slechtes nit funderen willen, sondern dieselve dem weltlickem gerichte heimstellet ende derhalven oick des classis sententie ijn sin werden ende unweerden laet berusten. Alleine hefft synodus up einige erheffliche klagepunten over D. ANDREAM ALLART, uth dessen position excerpiret, gelettet, darvan die waerheit flitig inquireret ende kereklick darop ijn den synodo geschlaten ende gehandelt sall worden, item des classis bewiss over dese punten, so mundtlick also schriftlick van sie ijngenghamen, ende oick ANDREAM eigene bekentnisse, hoe wiet he sick ijn densulven schuldig giffit ofte niet, tegenwordig angehorett.

Hefft demnha dese christliche synodus nha anropinge godtlicher hulpe ende ten overstaen der E. E. heren gedeputerden, up lange ende flitige erweginge beidersits ijngebrochten schrifften, klachten, documenten, vör-

klaringen ende vorantwordingen entlick ijn dese saeke kercklich geresolviret, also folget: to weten dat nhademmahle D. ANDREAS ALLERT wegen enige van hem bekante unregelheiten (die dannoch up sin leetwesen ende schüldtbekeninge hem wol können vorgeven worden) gelickwol ijn sodahne wijtlufftige irrunge, unenicheit ende twist so met dem classe als ock sonst thot ergernisse der gemeinten geraden ende gefallen, dat deshalven die gemeente van Enerüm hiebevören ende noch ijtzo sich vorclarett, sie van D. ANDREAE ALLERTS persoen ende dienst begeren entleddiget te worden, so vörklaret dese synodus, dat solckem begeren der gemeine to Enerum plätz gegeben, ende D. ANDREAS ALLART hirmede van sinen kerckendienst toe Enerum sall affgesettet sin, darmede alsoe die unheil ende twist affgedahn ende die kercke Christi aldaer mochte gestichtet worden. Jedoch adviseret synodus ende begeret gantz flitich ahn die edele ehrenf. ende erbare hern collatoren der pastorien te Enerum, dat sie mit domino ANDREA ALLART der inkumpsten ende fruchten deses jahres halven bescheidenlick ende favorabelick willen handelen, ende die gemeente aldaer met einen prediger nha die kerckenordering versien.

Hirentegen hefft ock dese christlicke synodus uth dero gantzen action befunden ende einer ernstlichen correctie werdich geachtet, dat vorerst die classis toe Baffloe in modo agendi tegens ANDREAM ALLERT niet weinich met bitterheit, nidtt ende verhöning dessulven, gelick ock met intempstive convocatie einiger edellüiden ende andern unbehörlichen dingen sich hefft verlöpen, ende dat oick einige prediger dessulven classis sick met den schoemaeker CRIJNE LOLES (welckeres handel tegens ANDREAM die synodus overall niet billichen offte prisen kan) te wiet vörmenget hebben, darbij ock van deses classis druckendrinckent bij dem synodo fast clage vorgebracht ijs, van welckeren unbehörlickenn dingenn die classis te Baffloe, van ijtzigen synodo gecensuriret sinde, sick hirnha entholden sall. Ende met namen sall D. ANDREAS STRATEMAN van wegen drunkenheit, up verscheidene tiden beghaen, alhier beschuldiget wesende, darinne wel ernstlick bij desen synodo vörmanet ende gecensureret worden. Ende dewile darvan vör dithmael noch geene genöchsame documenta vorgebracht sin, söllen D. JOANNES NICASIVS te Middelstüm ende D. ROBERTUS WIPPINGIVS te Suethorm respectie pastoren sick erster gelegenheit nae Baffloe transporteren ende aldaer sowol vann des ANDREAE STRATEMANNI alsoe ock enigen anderen classicael druckenschop ende unordentlick levendt flitige informatie nehmen, umme widers darinne kercklick ijn die classe te döhnnde nha behören.

Ende dewile ock ADOLPHVS A BESTEN bij desen synodo beschuldiget ijs, dat hie die acta van ANDREA ALLERT thot dessülven vorungelimpinge ummegedragen, den schomaker in iudicio politico bijgestanden, end

besonderlick dat he mith drünckenschop sick vörlopen, daervan hir in synodo betuiget ijs, so sullen die hier benömede deputati à classibus darvan ock flitige informatie nehmen, ende so hie der drunckenheit mehrmals gepleget te hebben overtüiget mochte werden, hem nha gelegenheit offte met suspensie offte met affsettinge van zinn deinst ijn den classe te straffen.

Up geconcipeerde sententie sin beijde parthijen ijngestaen ende gefraget, hebben vörklaret hare saeke thot desen synodum gebracht ende sick dersulven ordeel gesubmittert te hebben. Sin demnhae vörmanet thot onderlinge reconciliatie. So hefft dominus ANDREAS ALLART vor den gantzen synodo bekent, dat hie uth torne ende affecten die prediger des classis Baffloe met enige bittere worden ende schriftlick geoffenderet, begeret sie hem solckes alles christlick ende broderlick willen vorgeven. Desgelicken bekennenn ock enige classicales, dat sie tegens ANDREAM sick wederum tegens die christlicke lieffde vörlopen, begehrenn ock van hem broderlicke vörgiffnisse.

Ende sin hirmede alle prediger des classis te Baffloe van wegen alle vörige striedt ende unfrundtligkeiten christelick ende broderlich vordragen ende voreiniget, dergestalt dat sowel ANDREAS ALLART alse ock die andere prediger des gemelten classis sampt ende besonderlick van dese vörlopene irringe¹⁾ geen twist meer reppen offte widere viantschop heimlick offte opentlick sick vörnehmen süllen, bij poena dat die contraventeuren darover solen kercklich angesien ende geboirlick gestraffet werden.

Darup die loofflicke synodus sampt die classis te Baffloe dominum ANDREAM ALLART vor haren lieven medebroder erkennen ende vorclaren, dat hie ijn die provincie, ofte waer het ehm believe, sick umme ehrlicke dienste ende ordentlick bewerven sall.

8. Die synodus begeret die continuatie des coetus te Grönningen, sodat die deputati synodi umb die unkosten bij die overheit sollen ahnsoeken.

9. Gelicksfals sullen die deputati synodi HERMAN. THEOPHILUM, predigern in Höchkerck, vörhelpen enige stuire²⁾ thot sine rantzon, welke hie den viandt noch geven moet, by der landtschop te erlangen.

10. Vor ein synodael boeck ende die vorgangene acta synodalia alle darinne te schriven, ende der deputerden des synodi vörledenen jahres unkosten tsamen kumpt jeder classis te gevende twe daler. Des hebben

1) „irringe” volgens YY. Het woord is in onzen codex minder duideljik.

2) „stuire” YY heeft „stuir”.

enige classen thot die vorigen unkosten, van den deputatis synodi gedahn anno 1604, betalet derdehalff daler. Die nit betalet hebben, sint noch gehouden.

11. Entlick dewile die uthschrijving des synodi provincialis ijnn Hollandt ende anderen provincien niet bij den magistraet sthaett maer bij den kercken, ende dith jahr ijn solcke uthschrijving eine grote beletting gefallen ijs, soedat enige classes niet erschinen konen, belastet synodus de ijtzige deputatos bij den magistraet dahan te bringen, dat solcke uthschrijving synodorum bij den delegatis sijno. jarlix sthan moge, updat oek also de ordening met den gravaminib. hiebevot geresolveret underholden moge worden etc.

Nomina deputatorum hujus anni 1606: D. JOHANNES ACRONIUS uth der stadt Gröningen, D. WIGBOLDUS HOMERI uth den Oldenampte, D. JOANNES NICASIVS [ende] D. JOANNES SPRENGERUS uth den Ommelanden.

Dese acten hebben thot befestinge underteickent:

JOHANNES ACRONIUS, prediger in Gröningen, synodi praeses.

ARNOLDUS MARTINI UTHUSIUS, p. in Groningen.

JOHANNES SPRENGERUS.

THEODORUS KLINCKHAMERUS, loco senioris.

WULFGANGUS AGRICOLA, pastor tho Loesdorp.

EGBERTUS STAEL, p. tho Steem.

JOHANNES SCHRODERUS, p. tho Westerembden.

JOHANNES LOLINGIUS, p. in Noertbroick.

ROBERTUS WIPPINGIUS.

HERMANNUS THEOPHILUS, p. in Lechkerck.

ALBERTUS LOMELJERUS, minister in Groet Awerdt.

ANDREAS STRATEMAN, p. in Saxumhüsen.

HERMANNUS BESTEN, pastor in Werfhusen.

ALBERTUS WILHELMI, pastor Medanus.

WESSELUS RHODIUS, minister ecclesiae Christi in Cantes.

TOBIAS SEUSINGIUS, diener des godtlicken wordes binnen der forteresse Delphsiel, scriba synodi.